

Գ Ր Ա Խ Ո Ս Ո Ւ Թ Յ Ո Ւ Ն

Պ. Պ ո ո շ յ ա ն — «ՀՈՒՆԵՐ»: Տեխսը, Գերաժուրքունը և ծանոթագրութիւնները պատրաստեց Խորեն Սարգսյան. խմբագիր՝ Հովիկ Մելիքյան: Արմֆանի հրատարակութիւն, Երևան, 1940 թ.:

Հայ հասարակական մտքի և կուլտուրայի պատմութեան մեջ Պ. Պոռշյանը նշանավոր է ոչ միայն որպէս խոշոր վիպասան՝ մի ամբողջ դարաշրջան կերտող իր վեպերով («Սոս և Վարդիթեր», «Կովածաղիկ», «Հացի խնդիր», «Յեցեր», «Բղղե», «Հունոն»), այլև իրրե մանկավարժ և թատրոնական-հասարակական գործիչ: Նրա գրական-գաղութական-թատրոնական գործունեութիւնն ընդգրկում է կես դար՝ սկսած անցյալ դարի 60-ական թվականներից մինչև իր մահը (1907 թ.): Սակայն հայ բուրժուական պատմագրութիւնն այդ նշանավոր գեմոկրատ վիպագրի և հասարակական գործչի դերը սահմանափակել է սոսկ ազգագրութեան շրջանակներում. նույն վերաբերմունքը, դժբախտաբար, ցուցաբերվել է նաև սովետական շրջանում՝ առանձին «գրականագետների» կողմից: Վերջին երկու-երեք տարում մեր սովետական գրականագիտութիւնը լուրջ քայլեր է անում վերաբեքավորելու Պ. Պոռշյանի գրական մեծակշիռ ժառանգութիւնն ու գործունեութիւնը, թեև այդ ուղղութեամբ մինչև այժմ արվածը դեռևս անբավարար պետք է համարել:

Պ. Պոռշյանի գրական-հասարակական գեմքն իր ամբողջ մեծութեամբ ցույց տալու և պատմականորեն արժեքավորելու համար շատ կարևոր է ունենալ նախ և առաջ մեծ վիպագրի երկերի ակադեմիական հրատարակութիւնն ու գիտական կենսագրութիւնը: Այդ մեծ գործի նախապատրաստական քայլերից է ընկ. Խորեն Սարգսյանի ներածութեամբ և ծանոթագրութիւններով հրատարակված Պ. Պոռշյանի «Հուշեր»-ը:

Որևէ գրողի կամ գործչի մեմուարները կարևորագոյն նշանակութիւն ունեն տվյալ դարաշրջանի հասարակական կյանքի և մտքի ուսումնասիրութեան համար: Պ. Պոռշյանի «Հուշեր»-ն առանձին հետաքրքրութիւն են ներկայացնում, որովհետև նրանք գերազանցապէս վերաբերում են 60—70-ական թվականներին, երբ մեր գրական-հասարակական կյանքը զարգացման մի նոր և կարևոր փուլ էր մտել: Պ. Պոռշյանը, իրրե հիշյալ տասնամյակների ամենականավոր գործիչներից մեկը, իր հուշերով հարուստ նյութ է մատակարարում այդ շրջանի պատմութեան համար:

Ինչպէս հայտնի է, Պ. Պոռշյանն իր հուշերը հրատարակել է մի քանի անգամ՝ զանազան առիթներով, բայց, դժբախտաբար, դրանք մեծ մասամբ կրել են էպիգրոֆիկ—Ֆրագմենտալ բնույթ՝ ցրված զանազան պարբերականներում. այսպէս՝ «Դյուղական վարժապետներ» («Արձագանք», 1888 թ.),

«Պաշ. Արուստյանի «Վերք Հայաստանի»-ն և իմ «Սոս և Վարդիթերը» («Հուն-դես գրականական և պատմական», 1895 թ.), «Հայոց թատրոնի սկզբնավորությունը Թիֆլիսում» («Թատրոն», 1893 թ.), «Քսան և հինգ տարի առաջ և այսօր» («Տարազ», 1892 թ.), «Լուսանկարչի հիշատակարանից» («Տարազ», 1893 թ. և «Մասիս», նույն թվին), «Հուշիկներ» — առաջին շրջան, 1894 թ.: Սրանցից ամենաընդարձակը վերջինն է, որ, սակայն, անավարտ է և հասցված է մինչև 1860 թիվը:

Ներկա հրատարակությունը, որ ընկ. Պ. Սարգսյանը պայմանականորեն բաժանել է «Ինքնակենսագրություն», «Օրագիր» և «Ներածություն» մասերի, ոչ այլ ինչ է, եթե ոչ «Հուշիկներ»-ի սկզբից ու այն նյութերը, որոնց հիման վրա Պ. Պոռոջյանը գրել է «Հուշիկներ» ա. շրջանը, սակայն մյուս շրջանները գրելու-շարադրելու հնարավորություն չի ունեցել:

Մեծ և շնորհակալ գործ է կատարել ընկ. Պ. Սարգսյանը՝ հրատարակելով «Հուշիկներ»-ի այս ձեռագրերը, բայց, մեր կարծիքով, Պ. Պոռոջյանի մեմուարներն ավելի ամբողջական կլինեին, եթե հրատարակվեին «Հուշիկներ»-ի առաջին շրջանի և վերոհիշյալ ֆրագմենտների հետ:

Իր հուշերում Պ. Պոռոջյանը հանդես է գալիս ոչ միայն որպես գրող, այլև իբրև դպրոցական և թատրոնական գործիչ: Ուշագրավ է «Սիրագրումար» աշակերտական ընկերությունը, ինչպես նաև Պոռոջյանի գրական գործունեության սկիզբը, Պաշ. Արուստյանի «Վերք Հայաստանի»-ի գործող ազդեցությունը, որի արդյունքն է «Սոս և Վարդիթերը»: «Հուշեր»-ում հարուստ նյութ կա Պ. Պոռոջյանի թատրոնական գործունեության մասին. նրա գործակցումը Գ. Սունդուկյանին, Միք. Տեր-Գրիգորյանին, Գ. Չմշկյանին, և այլն: Նշանակալից է առանձնապես, որ Պոռոջյանը և իր գործակիցները թատրոնը կապում էին ժողովրդական մասսաների (համաքյարների) հետ, նրանց մեջ շահագրգռություն և ջերմ վերաբերմունք առաջացնելով դեպի բեմական արվեստը: Այնուհետև ուշագրավ է Պոռոջյանի դպրոցական-մանկավարժական գործունեությունը, հատկապես Թիֆլիսում. Շուշում և Ագուլիսում անցյալ դարի 60-ական թվականներին առաջին անգամ երկսեռ դպրոցներ հիմնելու պատմությունը, այդ գործում Պոռոջյանի պայքարը աղայության, հոգևորականության դեմ և սրանց հալածանքները:

Ինորոշ է նաև Պ. Պոռոջյանի և լիբերալ մամուլի ներկայացուցիչների փոխհարաբերությունը, և այլն:

Այո բոլորը խիստ արժեքավոր են Պ. Պոռոջյանի գրական-հասարակական դեմքը իր ամբողջ պայծառությամբ պատկերելու համար:

Ընկեր Պ. Սարգսյանը տեքստին կցել է ներածություն և բազմաթիվ ծանոթագրություններ՝ «Հուշեր»-ում հիշատակվող անձերի և անցքերի մասին: Նա ամենայն մանրամասնություններով ընթերցողին ծանոթացնում է 60—90-ական թվականների նշանավոր և հաճախ երկրորդական դրական, հասարակական, դպրոցական և թատրոնական գործիչներին, և այդ տեսակետից ընկ. Պ. Սարգսյանի ծանոթագրությունները կարևոր տեղեկատու են հանդիսանում ոչ միայն Պոռոջյանի կյանքն ու գործունեությունը, այլև հիշյալ տասնամյակների մեր գրական-հասարակական մտքի զարգացումն ուսումնասիրողների համար:

եվ, ինչ խոսք, քանի որ մեր նույնիսկ ոչ-հեռավոր անցյալի ոչ միայն երկրորդական, այլև շատ նշանավոր գործիչների մասին քիչ բան է հայտնի, ընկեր խ. Սարգսյանի տեղեկությունները շատ արժեքավոր են, թեև ոչ սպառնիչ ու անթերի:

Երբեմն, ընկեր խ. Սարգսյանը դուրս չգալով տրագիցիոն դրականագիտության և բանասիրության տերմինոլոգիայի շրջանակներից, այս կամ այն գրողին, գործչին, կամ պարբերականը որակում է շաբլոն ձևով, որ չի բացահայտում տվյալ գրողի կամ ժուռնալի հասարակական-պատմական դերն ու ուղղությունը: Այսպես օրինակ՝ «Կոռնկ»-ի խմբագիր Մարկոս Աղաբեկյանը որակվում է «ազգային-պահպանողական կուսակցության» ներկայացուցիչ: «Մեղու Հայաստանի»-ն—«ազգային-պահպանողական թերթ»: Պ. Շանշյանի մասին ասում է, որ նա «իր հասարակական հայացքներով պատկանում էր ազգային-պահպանողական խմբակցությանը»: Ընթերցողը տարակուսում է, թե՛ ապա ի՞նչ տարբերություն կա 1848 թվին Պարիզում ռևոլյուցիոն ակումբներին մասնակցած, համբլայների նկատմամբ մեծ համակրանք ունեցող, խոշոր մանկավարժ-վերանորոգիչ Շանշյանի և նույնպես «ազգային-պահպանողական» Հ. Կորենյանի, կամ Պ. Սիմոնյանի միջև:

Հարկավ, ծանոթագրություն շրջանակները հնարավորություն չեն ընձեռում մանրամասն ընթերցողներ տալու, բայց և այնպես պետք է միանգամ ընդմիշտ հրաժարվել տրագիցիոն քննադատության քարացած պիտակավորումներից, և տալ, թեկուզ մի-երկու խոսքով, տվյալ գրողի կամ գործչի պատմական-հասարակական դերի ճշտորեն սահմանված գնահատականը:

Ի՞նչ է ասում, օրինակ՝ «ազգային-պահպանողական» յառլիկը:

Ձե՛ք որ Պ. Պոռոյանն էլ նույն տրագիցիոն քննադատության կողմից որակվել է որպես ազգային-պահպանողական վիպագիր, և այդ կրկնվել է նույնիսկ մինչև վերջին տարիներս: Ձե՛ք որ «ազգային-պահպանողական» Պոռոյանն էր հայ աշխատավոր գյուղացիության ցեղերի՝ ցարական պաշտոնյաների, կուլակների և էջմիածնի ձրիակներ վարդապետների մերկացնողը. նա էր, որ նախ Թիֆլիսում, ապա Շուշում և Ադուլիսում, խիզախել է բաց անել իգական դպրոցներ, համարձակորեն պայքարելով կրթության և դաստիարակության միջնադարյան կղերական գոսացած նորմերի դեմ՝ իր վրա հրավիրելով էջմիածնականների և ազայության դայրույթը՝ «լյուծներական, անաստված, անբարոյական» հռչակվելով նրանցից և հալածվելով:

Պ. Պոռոյանի մեմուարներում որոշակի երևան է գալիս նրա առաջագիմականությունը, նրա դեմոկրատիզմը, նրա համակրանքը Նալբանդյանի, Սունդուկյանի, Շանշյանի նկատմամբ և բացահայտ հակակրթությունը դեպի Գլ. Արծրունին, Աբգ. Հովհաննիսյանը և հայկական լիբերալիզմի մյուս ներկայացուցիչները: Ի՞նչ խոսք, որ Պոռոյանը Նալբանդյանի տիպի դեմոկրատ չէր. այս մասին խոսք չի կորող լինել: Բայց նա դեմոկրատ էր. հիշենք Միք. Նալբանդյանի և Դ. Աղայանի ջերմ ու բարձր գնահատականները Պերճ Պոռոյանի մասին:

Պետրոս Շանշյանին, Մարկոս Աղաբեկյանին և Պոռոյանի մյուս դոր-

ծակիցներին «ազգային-պահպանողական» ածականով որակելով մենք դժվարացնում ենք Պ. Պոռշյանի և նրա շրջանի մասին հստակ պատկերացում ունենալու գործը, ավելի ճիշտ՝ շփոթութիւն ենք ստեղծում, ընթերցողի մեջ տարակուսանք առաջացնելով, թե՛ բայց չէ՞ որ «ազգային-պահպանողական» «կոռնկ»-ի, «Մեղու Հայաստանի»-ի, «Նոր-Էալ»-ի շուրջն էին համախմբված մեր գեմոկրատ գրողները՝ Պոռշյանից սկսած մինչև Մուրացանն ու գյուղագիրները...

Ընկեր Խ. Սարգսյանի՝ «Հուշեր»-ին կցված «Ներածութիւնը», որ թվում է, պիտի օգնէր ընթերցողին կողմնորոշվելու, փնտրատական խոսք ասեր հուշերում հանդես եկող դեպքերի և դեմքերի ու սրանց նկատմամբ Պոռշյանի այս կամ այն վերաբերմունքի մասին, — սոսկ տեխնիկական-տեքստաբանական մի առաջարկն է և ոչ ներածութիւնը:

Ինստիտուտն իր կողմից բավականացել է միայն նշելով, որ «Պոռշյանը միշտ չէ կարողանում ճիշտ ըմբռնել հասարակական երևույթների ներքին էությունը և այդ իսկ պատճառով հաճախ սայթաքում է իր գնահատականների մեջ»: Պոռշյանը մեղադրվում է, որ նա «թերազնահատել է» Նազարյանին, կամ՝ «հաճախ կենցաղային համեմատաբար մանր փաստերից մեծ և սխալ եզրակացութիւններ է անում» (Գր. Արծրունու և Շիրվան-զադեի նկատմամբ):

Առաջարկի հեղինակները մոռանում են, որ Պոռշյանը, օրեկտիվ և անաչառ վերաբերմունք ցույց տալու համար, հիշյալ գրական-հասարակական գործիչներից պետք է զսնվէր պատմական-ժամանակագրական պատշաճ հեռավորութեան վրա, այնինչ նա ժամանակակից էր Նազարյանին և Արծրունուն: Պ. Պոռշյանի վերաբերմունքը վերջինների նկատմամբ առաջարկի հեղինակները պետք է բացատրեն նրանց և Պոռշյանի միջև եղած սոցիալական-գաղափարական հակամարտութեամբ և ոչ թե պատահական «սայթաքում»-ով: Ինչպես հայտնի է, համանման վերաբերմունք ցույց է տվել Ղ. Աղայանը Նազարյանի և Ռ. Պատկանյանի նկատմամբ, արդյո՞ք այդ «սայթաքում» է, կամ ապացույց, թե Աղայանը ժխտում էր կամ թերագնահատում Նազարյանի և Պատկանյանի պատմական դերը մեր գրականութեան և հասարակական մտքի զարգացման գործում: Բնով ոչ:

Պոռշյանի, Աղայանի կամ մեկ ուրիշի համակրանքներն ու հակակրանքներն այս կամ այն գործչի նկատմամբ ունեն ավելի խոր պատճառներ, քան առաջին պահ թվում է: Այդ վերաբերմունքի պատճառը պետք է որոնել հասարակական այն հոսանքների պայքարի մեջ, որոնց ներկայացուցիչները հանդիսանում էին մի կողմից Արծրունին և մյուս կողմից՝ Պոռշյանը: Հասկանալի է, որ գաղափարական պայքարի տարբեր դիրքերում գտնվելով՝ թե՛ մեկը և թե՛ մյուսը չէին կարող պատմական օրեկտիվ, անկիրք ու անաչառ վերաբերմունք ցուցաբերել միմյանց նկատմամբ:

Եթե ոչ Ինստիտուտի կողմից գրված առաջարկում, ապա ընկ. Խ. Սարգսյանի Ներածութեան մեջ պետք է որ այդ հարցերը լուսաբանվեն, և ընդհանրապես Պ. Պոռշյանի՝ փաստերով այնքան հարուստ՝ «Հուշեր»-ից համապատասխան ընդհանրացումներ արվեին՝ խոշոր գեմոկրատ վիպագրի

և դպրոցական-թատրոնական գործչի կերպարն ավելի ամբողջացնելու, նրա կատարած դերն ավելի պարզորոշելու համար:

Տեքստուղիական մի այսպիսի աշխատանքի համար, ինչպիսին Պ. Պոռշյանի «Հուշեր»-ի ներկա հրատարակությունն է, թերևս ավելորդ համարվեին այդ կարգի բացառությունները, եթե Պ. Պոռշյանի և շատերի մասին մեզանում լինեիր աներկժիտ պատկերացում և հարուստ գրականություն: Եվ, քանի որ, դժբախտաբար, մեզանում նոր է սկսվում մեր գրականության դիտական-մարքսիստական վերազնահառումը, ապա ամեն մի պատմական դոկումենտ հրապարակվելիս, ինչքան էլ այն կրի գիտական-տեքստուղիական բնույթ, պետք է ունենա արժեքավորող, լայնորեն մեկնաբանող ներածական, առանց որի շատ կողմերով պակասավոր կլինի հրատարակությունը:

Այսուհանդերձ, ընկեր Խ. Սարգսյանը շնորհակալ և կարևոր գործ է կատարել՝ հրատարակելով Պ. Պոռշյանի «Հուշեր»-ը, որ մի արժեքավոր մուծում է ոչ միայն պոռշյանագիտության, այլև XIX դարի մեր հասարակական մտքի և գրականության զարգացման պատմության մեջ:

Ա. ԻՆՃԻԿՅԱՆ